

Zeitschrift: L'ami du patois : trimestriel romand
Band: 13 (1985)
Heft: 50

Artikel: De la pao din yerdza
Autor: Luvi don Vèrné
DOI: <https://doi.org/10.5169/seals-241359>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 24.05.2025

ETH-Bibliothek Zürich, E-Periodica, <https://www.e-periodica.ch>

DE LA PAO DIN YERDZA

Van ran tan mô, è châvon bin lou trin dè l'an'naoye don patâ fribordzâ. Chè prèpaoron ora à la fîtha din patèjan reman à Sierre lou 29 dè sètanbre. L'in y'ondron in câre. Cherè lon chayâte 1985.

Pu la demindz'apri, lou 6 d'otôbre, montèron in Colonbètè po lou gran rathinbièman fribordzâ. E l'è onco pao to ! In novanbre, no fithèrin lè 25 an dè mouthron n'amicale. Ti lè manbrou fondateu cheron pao inke, ma n'in châbrè canbin cotyè jon, ke no contèron keman chan ch'è pachao on keminyèman, yô no chin jelao, lou téâtre ke no dzulyivan avouin Moncheu l'Omou keman préjidan. L'è li achebin ke menaovè lou djû, don tin ke Deillon chohyao-vè dèrin la parâ. On to galé tin; n'in dé vouèrdao un bon chovigni.

No no dèmandin chan ke n'in cherè don coucour dè patâ. L'in y'arè-the din Yèrdza ke l'an fin ôtyè. Nyon n'in chao ran. No j'in d'an portan y'on ke l'è don juri, ma l'è chobrao tancora mûdou. L'è portan pao dan chè j'abitude on Gran Conjèye !

Y fô chavâ achebin ke dan nouthrè j'athinbyoayè no dèvejin chuto couètsou, ma lou gruvèrin dè la Hôta – Yan'na balyè ridaman d'la vouâ (vouê) can no tsantin "Lè j'armalyi di Colonbètè, La Poya, La Choupaoye, Galé Gringo", è bin din j'ôtrou tsan. No, lè couètsou, no no rèpaoyin avouin "Fanthâ è Catrine à la fâre dè Remon" dè Dzojè Bovè, è "Lè Faochinyâ" dè Velaorinbou (*) ke di po fourni : "Faochinyâ chu, faochinyâ t'î, faochinyâ l'è, faochinyâ no chin ti, po nouthron piéji, pè Velaorinbou".

Luvi don Vèrné

() Y chè di ora ke chi galé tsan l'è jon écri avouin m'a pyonma d'ouye, dan lou viyou tin.*

